

增修萬縣志卷三

地理志

疆域 形勝

萬夙爲州又嘗置郡益以武甯縣地幅員較廣且水陸所會交達秦楚上束巴蜀下扼夔巫行李往來冠蓋相望而商販鱗集遊手羣聚禁詰撫綏皆宰斯土者精神所貫注也爰臚疆域四至及旁達他邑者附以形勝資鏡觀焉

縣治在夔州府西少南舊編三里曰大周曰市郭曰

萬縣志

卷三

地理志

疆域

形勝

一

三正里各十甲東西廣二百里南北袤三百二十里自縣至府陸路三百六十里水程二百八十里至省陸路一千四百七十里水程三千三百五十八里白府至

京師隆路六千九百八十里

治東九十里余家嘴交雲陽縣界又東九十里雲陽縣城

治西九十里分水嶺交梁山縣界又西九十里梁山縣城

治南二百四十里磨刀溪交湖北施南府利川縣界
又南二百四十里利川縣城

治北四十五里大丫口交開縣界又北七十五里開
縣城

治東少南二百八十里青岡臺交奉節縣界又東一
百八十里夔州府城

治西少南水程一百五十里毛堆磧交忠州界又西
一百五里忠州城

治南迤西二百四十里園子嶺交石柱廳界又南二

萬縣志

卷三

地理志

疆域

形勝

二

百四十里石柱廳城

治北迤西一百五十里余家場交新甯縣界又北一
百四十里新甯縣城

愚按萬縣漢爲胸忍魏改魚泉而東有雲安胸忍故
城西有梁山魚泉舊壤唐以上如安鄉萬川南浦萬
州或分或合疆域之廣未可界畫

本朝因明制爲萬縣實宋元明萬州地兼南浦武甯而
有之四境蓋有一定矣據寰宇記宋世萬州州境東
西二百二十八里南北四百五十八里東至夔州水

路三百里西至渠州四百五十里南至施州六百八十三里北至開州二百三十二里東南至施州清江縣三百四十里西南至忠州界九十六里西北至通州四百里東北至瀘溪開州兩郡界一百七十里方輿紀要明萬縣編戶四里治在夔州府西四百五十里西南至忠州二百六十里北至開縣二百三十二里計里皆與今縣境間有不符古今尺度不一兵燹數經之後陵谷變遷此疆彼界損益異焉然其大致不遠矣援古證今猶足見設州置郡幅員之廓都會

萬縣志

卷三

地理志

疆域

形勝

三

之雄焉

形勝

舊志東望巫峽西眺郁鄢岷江流於前苧溪出其後濟川記扼束巴楚岷江拖藍西池記東接夔州北環梁山圖經面揖南山背負都歷天城石壁記利夔以上恃衣帶水萬在江北城號天生上經蜀漢下窺三峽漢昭烈於此乎插劍蓋荆蜀之要會

愚按萬縣山川融結文筆鸞翔天城虎踞肩拍西巖面揖南屏枕鐵鳳倚黃蘆憑銅鑼跨黑象池溪緯其

西岷江帶其南扼忠夔之咽喉據巴蜀之要害東川
縣治形勢之強未有踰於此者雖然地利不若人和
在德而不在險也願與守土者謀之

萬縣志

卷三

地理志

疆域

形勝

四